

**ACTA DA SESIÓN EXTRAORDINARIA DA COMISIÓN INFORMATIVA DE TURISMO,
ACCIÓN COMUNITARIA, IMPULSO RURAL E MEDIO AMBIENTE DO DÍA 06/09/2024**

ASISTENTES

PRESIDENTE:	D. Javier Tourís Romero
SUPLENTE	D. Jorge Cubela López
VOGAIS:	D ^a . Luisa María Sánchez Méndez
	D. Rafael Domínguez Artime
	D ^a . Belén Cachafeiro Anta
	D. Jesús Vázquez Almuíña
	D ^a . María Pilar Ramallo Vázquez
	D. Manuel Alejandro Lorenzo Alonso
	D ^a . María Nava Castro Domínguez
	D ^a . Ana Laura Iglesias González
	D. Javier Iglesias Mougán, en substitución de D. Carlos Gómez Prado
	D. Paco Ferreira González
	D. Gregorio Luis Agís Gómez
	D ^a . Nuria Rodríguez Rodríguez
	D. Gorka Gómez Díaz
	D ^a . Beatriz Lomba Rodríguez
	D ^a . María Manuela Rodríguez Pumar

Sendo as doce horas e quince minutos do día seis de setembro do ano dous mil vinte e catro, reúnense no Pazo Provincial os Sres./as. Deputados/as arriba relacionados, en sesión extraordinaria, e baixo a Presidencia de D. Javier Tourís Romero. Actúa como secretario o técnico de administración xeral do Servizo de Cooperación, D. Marcos Areán González.

Aberta a sesión polo Presidente, pásase ó estudo dos asuntos incluídos na Orde do Día, sobre os que recaeron os seguintes ditames:



1.- APROBACIÓN DA ACTA DA SESIÓN ANTERIOR (expte. 2024049654)

Apróbase a acta da sesión anterior correspondente á sesión ordinaria celebrada o dezanove de xullo do ano dous mil vinte e catro co voto favorable de todos os membros da Comisión.

2.- DAR CONTA DA CELEBRACIÓN DA IV E V EDICIÓNS DA ESCOLA DE INICIACIÓN DE FUTUROS GANDEIROS NA FINCA MOURISCADÉ NOS MESES DE XULLO E AGOSTO (EXPTE.: 2024060180)

De conformidade co establecido nos artigos 123 e 126 do Real Decreto 2568/1986, de 28 de novembro, polo que se aproba o Regulamento de Organización, funcionamento e Réxime Xurídico das Entidades Locais, dáse conta a Comisión Informativa de Turismo, Acción Comunitaria, Impulso Rural e Medio Ambiente do informe que segue, co seguinte teor literal:

“DAR CONTA DA CELEBRACIÓN DA IV E V EDICIÓN DA ESCOLA DE INICIACIÓN DE FUTUROS GANDEIROS NA FINCA MOURISCADÉ NOS MESES DE XULLO E AGOSTO

Entre os días 26 e 30 de xullo e 19 e 23 de agosto tiveron lugar na granxa da Finca Mouriscadé a IV e V edición da Escola de Iniciación de Futuros Gandeiros organizadas pola Federación Frisona Galega en colaboración co Clube de Xóvenes Gandeiros.

Ditas edicións desenvolvéronse có obxectivo de atender a ampla demanda que tiveron edicións anteriores celebradas no ano 2023 nas mesmas instalacións da granxa da Finca Mouriscadé.

Na IV edición participaron 29 rapaces e rapazas e 22 na V edición.

Son rapazas e rapaces de idades comprendidas entre os 8 e os 17 anos que proceden de diferentes concellos das provincias de Pontevedra, A Coruña e Lugo.

Ó longo das cinco xornadas de cada un dos cursos os participantes abordaron temas como o encamado, alimentación, muxido, morfoloxía, pelado e manexo das vacas da granxa da finca e demostraron as súas habilidades no acto de clausura do curso.



Documento asinado dixitalmente

A xefa do Servizo de Medio Ambiente

Concepción López Paz

Documento con CSV:BX92H8BALEVILQ33"

A Comisión Informativa de Turismo, Acción Comunitaria, Impulso Rural e Medio Ambiente queda enterada do estado do expediente referido "ut supra".

3.- ROGOS E PREGUNTAS

Non houbo

E non habendo máis asuntos que tratar, a Presidencia dá por finalizada a reunión, sendo as doce horas e vinte minutos, do que, como secretario, dou fe.

Pontevedra, na data da sinatura electrónica

O secretario da Comisión,

(documento asinado electronicamente)

Marcos Areán González

